

卷六十五

新雕 皇朝類苑卷第一

祖宗聖訓

太祖

太祖聖性至仁雖用兵亦戒殺戮親征太原道經潞
州麻衣和尚院躬禱於佛前曰此行止以弔伐為意
誓不殺一人開寶中遣將平金陵親召曹彬潘美戒
之曰城陷之日慎無殺戮設若困鬪則李煜一門不
可加害故彬於江南得王師弔伐之體由
聖訓

初梁武府第修之為建昌宮晉改命曰太

宗復加營繕猶未盡如王者之制

殿令洞開諸門直望之謂左右曰此如我

太祖

書名 新雕皇朝類苑七十八卷 銅活字印本
撰者 宋 江少虞 撰
卷 卷六十五
內容分類 子 類書 彙考 宋
索書號 貴重 34
編號 C5924200

東洋文化研究所漢籍目錄 編號: C5924200
東洋文化研究所漢籍目錄所藏漢籍善本文影像資料庫 索書號: 貴重-34
漢籍善本文影像資料庫文本 新雕皇朝類苑七十八卷 銅活字印本
版權所有 東京大學 東洋文化研究所
使用上的注意事項



其違法王荆公感黨人之說反以罪三司曾既隔下
朝請而嘉問治事如故放聞而歎曰豈意曾子避席
望之儼然乎望之嘉問字也 並東軒筆錄

新雕 皇朝類苑卷第六十四

新雕 皇朝類苑卷第六十五

談諧戲謔

語朝

有朝士陸東通判蘇州而權州事因斷流罪命黥其
面曰特刺配其州牢城黥畢幕中相與白曰九言特
者罪不至是而出於朝廷一時之旨今此人應配矣
又特者非有司所得行東大恐即改特刺字為準條
字再黥之頗為人所笑後有薦東之才於兩府者石
參政聞之曰吾知其入矣非權蘇州日於人面上起
草者乎

二

王汾口吃劉放嘗嘲之曰恐是昌家又疑非類不見
雄名唯聞艾氣蓋以周昌韓非楊雄鄧艾皆吃也又

嘗同趨朝聞叫班聲汾謂曰紫宸殿下頻呼汝邪應聲答曰寒食原頭屢見君各以其名為戲也

三

滕甫之父名高官止州縣甫之弟申根暴無禮其母尤篤愛用是每陵侮其兄而闡政多紊世入譏議不一章門下博與甫遊舊多戲玩一日語之曰公多類虞舜然亦有不似者滕究其說章曰類者父頑母嚚象傲不似者克諧以孝耳

四

張密學奎張客省元兄弟也奎清素畏慎元奢縱跡踞世言張奎作事笑殺張元張元作事譴殺張奎楊景宗本以車營卒由椒房故為觀察使暴橫無賴世謂之楊滑槌一日語奎曰公弟客省俊特可愛即是

性粗疎奎快然不悅歸語元曰汝本土人伏膺名教不知作何等事致令楊滑槌言汝粗疎也

並東軒筆

五

常秩舊好治春秋九著書講解僅數十卷自謂聖人之意皆在是矣及詔起而王丞相介甫不好春秋遂盡諱所學熙寧六年兩河荒歉有旨令所在散青苗本錢權行倚閣王平甫戲秩曰公之春秋亦權倚閣乎秋色頗赭

六

鄭尚知杭州王耿為兩浙轉運使二人者屢以公事相失以至互有論列朝廷未推鞠而耿死鄭往哭之盡哀杭州僚屬相駭曰龍圖素惡端公今何哭慟也范極在傍戲曰諸君不會龍圖待哭所人久矣

熙寧九年太皇生辰教坊例有獻香雜劇時判都水監侯叔獻新卒伶人了仙見假為一道士善出神一僧善入定或詰其出神何所見道士云近曾至大羅見玉皇殿上有一人披金紫熟視之乃本朝韓侍中也手捧一物竊問傍立者云韓侍中獻國家金枝玉葉萬世不絕圖僧曰近入定到地獄見閻羅殿側有一人衣緋垂魚細視之乃判都水監侯工部也手中亦擎一物竊問左右云為奈何水淺獻圖欲別開河道耳時叔獻興水利以圖恩賞百姓苦之故伶人乃有此語

景祐未詔以鄭州為奉寧軍蔡州為淮康軍范雍自

侍郎領淮康節餞鎮延安時羗人旅拒成邊之卒延安為盛有內臣盧押班者鈐轄心嘗輕范一日軍府開宴有軍伶人雜劇稱參軍夢得一黃瓜長丈餘是何祥也一伶賀曰黃瓜上有刺必作黃州刺史一伶批其頰曰若夢見鎮府蘿蔔須作蔡州節度使范疑盧所教即取二伶杖背黥為城旦

有進士曹奎屢擢上庠南宮高選居常自負作大袖袍衣之袖廣數尺時有進士楊衛怪之謂曰袖何廣耶奎曰要盛天下蒼生衛荅曰此但能盛一箇耳裴度形貌短小而位至將相嘗自贊其寫真曰爾形不長爾貌不揚胡為將胡為相一片靈臺丹青莫狀蓋謂由心吉而致富貴也張學士丰貌甚美嘗繪其容

以寄兄環環改裝贊寄之曰爾形甚長爾貌甚揚不為將不為相一片靈臺丹青莫狀

十

曾鞏知襄州日朝廷遣使按水利振流民者各辨碎三兩選人充幹當公事鞏一日宴諸使者座客有言昨夕三鼓大星墜於西南有聲甚厲次又有一小星隨之鞏曰小星必天狗下幹當公事也

十一

陳恭公以待制知揚性嚴重少游宴時陳少常亞罷官居鄉里一日上謁公謂曰近何著述亞曰止作得一謎因謂之曰四箇脚子直上四箇脚子直下經年度歲不曾下若下不是風起便雨下公思之良久曰殊不曉請言其旨亞曰兩箇茶床相合也方欲以此

為對然不曉風雨之說亞笑曰乃待制廳上茶床也苟或宴會即慳值風澁值雨也公為之啓齒復為之開樽曹琰郎中滑稽之雄者一日因食落一牙戲作詩曰昨朝飯裏有粗砂隱落翁翁一箇牙為報妻兒莫惆悵見存足以養渾家

十二

韓龍圖贛山東人鄉里食味好以醬漬瓜啗之謂之瓜齏韓為河北都漕解字在大名府府中諸軍營多齏此物韓嘗曰某營者最佳某營者次之趙閱道笑曰歐永叔嘗撰花譜蔡君謨亦著荔枝譜今須請韓龍圖撰瓜齏譜

並倦遊錄

十三

仁宗朝有數達官以詩知名常慕白樂天體故其語

多得於容易嘗有一聯云有祿肥妻子無恩及吏民
有戲之者云通日通衢遇一輕駟車載極重而羸牛
甚苦豈非足下妻子乎聞者傳以爲笑

十四

吳僧贊寧國初爲僧錄辭辨縱橫人莫能屈時有安
鴻漸者文詞雋敏尤好嘲詠嘗街行遇贊寧與數僧
相隨鴻漸指而嘲曰鄭都官不愛之徒時時作隊贊
寧應聲曰秦始皇未坑之輩徃徃成群皆善捷對

十五

安鴻漸滑稽輕薄或傳凌侍郎策世緒本微其義父
曾爲鎮所由公方成童父携拜供漸爲立一名鴻漸
因命名曰教之言所由生也後長立頗銜之鴻漸老
爲教坊判官凌公判宜徽院樂藉隸焉亦微憾之一

日謂之曰汝今世之一禰衡爾才雖不逮偶免一烹
焉並玉壺清話

十六

有一故相遠派在姑蘓有嬉遊書其壁上曰大丞相
再從姪某嘗遊有士人李璋素好訕譎題其榜曰

混元黃帝三十七代孫李璋繼至筆談

十七

熙寧新法行督責監司尤切兩浙路張覲王廷老潘
良器等因閱兵赴妓樂筵席侵夜皆黜責又有因借
同寮般家人而坐計備者有作絲鞋而坐刺利者降
斥紛紛是時孔嗣宗爲河北路提點刑獄求分司而
去嗣宗性滑稽作啓事叙其意略曰敝屋數椽聊避
風雨先疇二頃粗足衣糧這回自在赴筵到處不妨

聽樂倩得王郎伴舅且免計備賣了黑黍新絲不憂
剝利益謂是也 東軒筆錄

十八

熙寧中京師久旱按古法令坊巷各以大甕貯水挿
柳枝泛蜴蜥使青衣小兒環遶呼曰蜴蜥蜴蜥興雲
吐霧降雨滂沱放汝歸去開封府准堂劄責坊巷寺
觀祈雨甚急而不能盡得蜴蜥徃徃以蝎虎代之蝎
虎入水即死無能神變者也小兒更其語曰冤若冤
若我是蝎虎似恁昏沉恁得甘雨

十九

熙寧中初富丞相苦足疾多不入曾丞相將及引年
時王介甫趙閱道唐子方為參政介甫日進說以更
庶政閱道頗難之而不能奪但退坐閣中彈指言苦

唐子方屢爭於上前既而唐發疽而死京師人言中
書有生者疾死苦之說謂介甫生曾公老富公病閱
道苦子方死也 並倦遊錄

二十

呂文穆公未第時薄游一縣 志其縣名 胡大監且方
隨其父宰是邑遇呂甚薄客有譽呂曰呂君工於詩
宜少加禮胡問詩之警句客舉一篇其卒章云挑盡
寒燈夢不成胡笑曰乃是一渴 音盪 睡漢狀元及第
矣胡荅曰待我明年第二人及第輸君一籌既而次
勝亦中首選 歸田錄

二十一

高英秀者吳越人與贊寧為詩友口給妄罵滑替每
見眉目有異必噤短於其後人號惡咏薄徒嘗譏名

人詩病云李山甫覽漢史王莽弄來曾半破曹公將
去便平沉定是破船詩李羣玉詠鷓鴣方穿詰曲崎
嶇路又聽鈎輈格磔聲定是梵語詩羅隱曰雲中雞
犬劉安過月裏笙歌煬帝歸定是見鬼詩杜荀鶴曰
今日偶題題似着不知題後更誰題此衛子詩也不
然安有四蹄贊寧笑謝而已 贊寧錄

二十二

李絢公素嘗有詩贈其同姓人曰吾宗天下著勝之
取其著而傳之君甘泉者以謳著賣藥者以木牛著
圍碁以憨著裁僕頭者以鞞著作詩者以豁達著此
數人者皆京師人名倡李氏住甘泉坊善歌李水牛
賣藥以木牛自表人呼李木牛李憨子圍碁國手無
敵而神情昏濁故號憨子鞞李善裁僕頭而必與人

垢刺人故目之歲久遂自以鞞為稱云豁達老人喜
為詩所至輒自題寫詞句鄙下而自稱豁達李老嘗
書人新築墻壁主人憾怒訐官官為收之拘繫使市
石灰更汗漫訖乃得縱舍此數人因勝之有云亦遂
自託不朽矣

二十三

祥符天禧中楊大年錢文禧晏元獻劉子儀以文章
立朝為詩皆宗尚義山號西崑體後進做効不能自
得切取義山語句嘗賜百官宴優人有為義山者衣
服敗敝告人曰吾為諸館職搏撻至此聞者歡笑 並
劉貢父詩話

二十四

河南尹兼主管鑰僚屬多才名之士洎公卿子弟慶

曆中有二幕官本專經推鉅人也談宴之間默無一辭折旋舉措殊乏風味邵職方良佐時寓洛下嘗謂人河南幕府最爲雄盛古所謂綠水泛紅蓮也今日可謂污泥溝中浸兩莖豹芝耳

湘山野錄

二十五

昔之黠者滑稽以玩世曰彭祖八百歲而死其婦哭之慟其隣里共解之曰人生八十不可得而翁八百矣尚何尤婦謝曰汝輩自不論爾八百死矣九百猶在也世以癡爲九百謂其精神不足也又曰令新視事而不習吏道召胥魁問之魁具道答十至五十及折杖數令遽止之曰我解矣答六十爲杖十四邪魁笑曰五十尚可六十猶癡邪蘓長公取爲偶對曰九百不死六十猶癡

後山居士詩話

語病

詩人貪求好句而理有不通亦語病也如袖中諫草朝天去頭上官花侍燕歸誠爲佳句矣但進諫必以章疏無直用藁草之理唐人有云姑蘇臺下寒山寺夜半鐘聲到客船說者亦云句則佳矣其如三更不是打鐘時如賈島哭僧云寫留行道影焚却坐禪身時謂燒殺活和尚此尤可笑也若步隨青山影坐學白塔骨又獨行潭底影數息樹邊身皆島詩何精麤異也

歸田錄

二

劉子儀嘗賦詩贈人云惠和官尚小師達祿須干是金用故事取孟子所謂柳下惠聖人之和不羞小官仲尼曰師也達而子張常學干祿也或有寫此兩句

減去官字示人曰是蕃僧也其名達祿須干云見者大笑詩有語病俗忌當避之此偶自諧合無若輕薄子何非筆力過也劉貢詩話

三

諫議大夫鮮于公子駿守揚州嘗至隋煬帝九曲池等處徘徊賦詩俾郡中屬和用陰字韻郡人秦少游和云司花人遠樹陰陰蓋用煬帝司花女故事也有教官頗通經術而詩非所長和詩有蒼鼠卧花陰之句鮮于公讀之笑曰老杜玉華宮詩云蒼鼠卧古瓦蓋宮久廢故蒼鼠窟於瓦間今乃卧於花陰此無限殺大四體也李希声詩話

誣罔

劉放貢父王汾彥祖同在館閣皆喜談謔一日劉謁

王曰君改賜章服故致賀耳王曰未嘗受命曰早來聞閣門傳報君但詢之王密使人詢閣門乃是有旨諸王墳得用紅泥塗之澠水燕談

二

徐鉉不信佛而酷好鬼神之說江南中主常語鉉以以佛經有深義卿頗閱之否鉉曰臣性所不及不能留意中主以楞嚴經一秩授之令看讀可見其精理經句餘鉉表納所借經求見言曰臣讀之數過見其談空之說似一器中傾出復入一器中此絕難曉臣都不能省其義因再拜中主哂之後嘗與近臣通佛理者說以為笑專搜求神恠之事記於簡牘以為藝神錄嘗典選選人無以自通詭言有神恠之事鉉初令錄之選人言不閑筆綴願得口述亟呼見問之因

以私禱罔不遂其請歸朝有江東布衣蒯亮年九十餘好爲大言夸誕鉉館於門下心喜之替神錄中事多亮所言亮嘗忤鉉鉉甚怒不與話累日忽一日鉉將入朝亮迎呼爲中闈云適有異人肉翅自廳飛出升堂而去亮目送久之方滅鉉即喜笑命紙筆記之待亮如故江陵從祖重內典嘗謂鉉曰公鄙斥浮屠之教而重神變之事瞿曇豈不得作黃面神人乎鉉笑而不荅

楊文公談苑

三

景祐中有郎官皮仲容者偶出街衢爲一輕薄子所戲遽前賀云聞君有臺憲之命仲容立馬媿謝久之徐問其何以知之對曰令新制臺官必用稀姓者故以君姓知之耳蓋是時三院御史乃仲簡論程掌禹

錫也聞者傳以爲笑

四

京師諸司庫務皆由三司舉官監當而權貴之家子弟親戚因緣請託不可勝數三司使者常以爲患田元均爲人寬厚長者其在三司深厭干請者雖不能從然不欲峻拒之每溫顏強笑以遣之嘗謂人曰作三司使數年強笑多矣直笑得面似靴皮聞者傳以爲笑然皆服其德量也

並歸田錄

五

吳中一士人曾爲轉運司別試解頭以此自負好附託顯位是時侍御史李制知常州丞相莊敏龐公知湖州士人遊毗陵與其徒飲於倡家顧謂一鬪卒曰汝往白李二我在此飲速遣有司持酒殺來李二謂

李御史也俄頃郡厨以飲食至甚為豐腴有一馬醫適在其家見其事後至御史之家因語及之李君極恠使人捕得騶卒乃兵馬都監所假受事兵卒就使庖買飲食以給坐客耳李乃杖騶卒使街司押士人出城郡僚有相善者出與之別唁之曰蒼卒遽行當何所詣士人應之曰且往湖州依龐九耳聞者莫不大笑

筆談

六

明肅太后臨朝襲 真宗故事留心庶獄日遣中使至軍巡院御史臺體問鞠因情節又好問外事每中使出入必委曲詢究故有司細微無不知者有孫良孺為軍巡判官喜詐偽能為朴野之狀一日市布數十端雜染百色陳於庭下中使恠而問之良孺曰家

有一女出適在近與之作少衣物也中使大駭回為太后言之太后歎其親苦即命厚賜金帛京師人多賃馬出入馭者先評其直必問一去耶却來耶苟乘以往來則其價倍於一去也良孺以貧不養馬每出必賃之一日將押大辟囚弄市而賃馬以往其馭者問曰官人將何之良孺曰至法場頭馭者曰一去耶却來耶聞者駭笑

東軒筆錄

七

公在政府蜀人蘓軾往見公公因問軾云近有人來薦王迥其為人如何學士相適否軾云為人奇俊公不論軾意後數日公宴出家妓有歌新曲六公者公方悟軾之言蓋歌有奇俊王家郎也既而公語諸子云蘇軾學士文學過人然豈享大福德人也

魏王語

新雕 皇朝類苑卷第六十五

新雕 皇朝類苑卷第六十六
談諧戲謔

無耻

馮吉瀛王道之子少好學能文而輕佻善謔尤精胡琴嘗因家會道命彈胡琴曲終賜之束帛以辱之吉致帛於頂以左手抱琴右手按膝如伶人拜起舉家大笑終以浮薄不登清仕 灑水燕談

不識字

梅詢為翰林學士一日書詔頗多致思甚苦操觚循堦而行忽見一老卒卧於日中欠伸甚適梅忽嘆曰暢哉徐問之曰汝識字乎曰不識字梅曰更快活也 筆談

堆墨書田字